

郭襄靖公遺集

郭襄靖公遺集序

世宗朝吾郡仕

輦下者甚衆諸君子間好稱  
詩往往以篇什相賡答而大  
司馬郭襄靖公時為地官郎  
獨弗屑也吏事之暇輒鍵戶

讀書益考

國家典章沿革以及錢穀士  
馬之數邊隅險塞之處每深  
致意焉公體不勝衣屨然一  
書生爾至於揚摧世事品騰  
人才語未嘗不諤諤也奉公

竭職抗

天子之幸臣而不忘蓋是時已  
默負

社稷器矣久之出守朗寧歷  
藩臬長貳以至制府皆居蜀  
粵遼徼與羗戎蠻獠雜居公

至則結之以恩信  
讐之以威  
武其有桀酋劇寇橫行竊發  
久稽

天誅公一部署將校指示方略  
不踰時而俘馘悉獻于幕下  
蓋先後破賊壘凡數百計獲



首功凡千萬計舉嶺氛而廓  
清之在粵二十餘年為民興  
利去病嘘枯吹生始澤一郡  
而終被兩粵歌頌尸祝聲滿  
于荒裔矣其所蒿目劇心憂  
勞注厝之畧具載奏議及紀

事諸書沉謀石畫嗣公者將  
世世著蔡之諭安南一檄立  
歸侵地以銷壘端論者以為  
賢於十萬之師此其有裨於  
國事邊計孰與弄柔翰而競  
浮藻者試絜其輕重哉昔子

雲晚悔詞賦之作以為雕蟲  
小技壯夫不為而晁賈論兵  
農嚴徐諫征伐捐之珠厓之  
議充國金城之奏垂諸漢冊  
炳焉與謨訓同光斯蓋告后  
之嘉猷經國之大業矣公之

文無亦類是乎於是伯子道  
憲衷公遺艸若干卷以傳序  
傳碑志諸文居其一奏議紀  
事書牘居其九而聲律闕如  
焉不佞乃述公生平志業以  
引其端俾世之論公者知其

有用之文不在彼而在此也  
萬曆丙午暮春幾望年家眷  
晚生陳經邦頓首拜簃



郭襄靖公遺集目錄

卷之一

奏疏

廣東叅政移贈前母疏

巡撫廣西到任謝恩疏

議四都地方建設州治疏

議經理懷遠縣治疏

恭謝恩賞疏

議留廣西鎮守總兵官疏

議征府江右江獍寇疏

題報官兵截捕殘黨疏

奉詔自陳疏

查叅懷遠失事人員并議剿處疏

卷之二

奏疏

恭賀 登極疏

慶賀 仁聖皇太后疏

慶賀 慈聖皇太后疏

慶賀恭上 兩宮徽號疏

蕩平府江 捷音疏

薦舉境內人材疏

請添調近兵併報取獲縣印疏

酌議府江善後事宜疏

奏留錢糧疏

卷之三

奏疏

恭謝 恩賞疏

恭謝頒 恩疏

題報懷遠師期疏

討平懷遠 捷音疏

請建新寧州左州學校疏

剿平洛水獾寇 捷音疏

題報大臣服闋疏

保任兵備官員疏

恭謝 恩賞疏

卷之四

奏疏

議懷永善後事宜疏

乞休疏

報滿疏

恭謝 恩賞疏

薦舉將材疏

保留給由方面官員疏

請復宗祿疏

奉 詔督脩撫屬城池疏

東坡先生集 目錄  
考察自陳疏

乞歸養疏

議忠州改屬南寧疏

條陳右江地方事宜疏

議留荊州戍軍疏

薦舉方面官員疏

舉劾有司官員疏

舉劾武職官員疏

薦舉教職官員疏

帥臣統轄全省疏

諮訪將材疏

奏請父母卹典疏

卷之五

奏疏

再撫廣西到任謝恩疏

考察自陳疏

議留官鹽疏

議留任事將領疏

奏報大征十寨錢糧疏

減革均徭里甲兵款驛傳四差疏

十寨善後告成併敘錄效勞官員疏

城險要以屯駐將官併敘效勞人員疏

責成徵解協濟糧銀疏

東歐報捷疏

議設土司鈐束撫徕疏

奏報丈量併論薦官員疏

卷之六

奏疏

六年再考疏

奏留事例等銀疏

勘報差官身故併參誤事官員疏

慶賀 皇嗣誕生疏

慶賀 仁聖皇太后疏

慶賀 慈聖皇太后疏

慶賀 皇后疏

蠲免錢糧疏

酌議南關善後事宜疏

欽賞謝恩疏

薦舉方面官員疏

薦舉有司官員疏

舉劾武職官員疏

薦舉教職官員疏

薦舉境內人材疏

遵詔改給誥命疏

卷之七

奏疏

總督兩廣到任謝 恩疏

哨兵倡變追究釀亂將領疏

辭免支軍功俸級疏

撫剿判兵 捷音疏

境內大臣病故疏

條議艚船鹽法事宜疏

恭謝 欽賞疏

勘報安南地界疏

卷之八

奏疏

蠲免金花銀兩疏

停止鑄錢疏

蠲免鹽課銀兩疏

蠲免諸色課程疏

議革商稅疏

蠲免起存錢糧疏

免徵夏秋稅糧疏

薦舉註誤將材疏

設復潮州叅將疏

致仕寺卿病故疏

勘報程鄉賊情疏

請重廣東總兵官事權疏

具報存積餉銀疏

辭陞兵部尚書疏

薦舉境內人材疏

舉劾方面官員疏

舉劾有司官員疏

舉劾武職官員疏

薦舉教職官員疏

卷之九

奏疏

南京兵部尚書到任謝恩疏

選戰卒增巡軍疏

議處勾補軍伍疏

議復會同館馬匹疏

患病乞歸疏

犒賞選鋒疏

議給舍餘糧餉疏

卷之十

奏疏

欽賞謝恩疏

患病再辭疏

五年考察各營將領疏

條議船政疏

考滿疏

三次告病疏

四次告病疏

五次乞歸疏

應詔陳言疏

卷之十一

諸議

朝覲別所屬官僚

備兵威茂邊防議

清查邊儲議

優恤戍軍議

請催兵備將領以固邊防議

請勦叛惡番蠻議

卷之十二

諸議

鄉約保甲議

撫守並用議

監督龍門從化二哨兩收大捷申文二

二源等地方善後議二

卷之十三

諸議

會議儀節

宗藩事宜議

申肅覲典議

剿撫古田議

古田善後立鎮議

古田善後鹽餉議

預申給由請乞歸養文二

卷之十四

諸議

巡撫條約

操練防守檄

惠養窮氓檄

禁約僭侈檄

稽查典禮檄

清理軍伍檄

查舉禮制檄

重修通志檄

撫諭殘獍檄

申嚴保約檄

嚴禁冒濫名色檄

申明切要機宜檄

銓選教職咨

申飭善後事宜檄

申嚴土官賞罰檄

分別討罪檄

再申切要軍令檄

清理賦役檄

卷之十五

諸議

總督條約

兵部倡議崇質約言

考選軍政禁約

卷之十六

家訓

宗法議

卷之十七

紀事

征復古田

討平府江

征復懷遠

卷之十八

紀事

平洛容蠻

平上油崗

平陽朔金寶嶺

平永福邊山

撫勦十寨

擒黃賢相

擒黃金彪

建州新寧

卷之十九

序文

贈新溪李大夫擢興化貳守序

送海觀董翁序

贈左州太守明泉蘇君赴荊州貳守序

贈大銀臺次川譚公赴留都序

賀封君近竹唐翁暨王孺人齊壽承恩序

賀大中丞惺菴龐公晉掌內臺序

壽郡侯思山陸公序

賀少司馬小江吳公晉司寇還朝序

賀卓樵壺先生榮授儒官序

威茂邊防紀實序

續莆陽文獻序

少宗伯董幼海居邕集序

大司寇蟠峰李公督撫疏草序

貞肅林先生文集序

西南紀事序

卷之二十

誌銘

明故大中大夫長蘆運使定軒彭公墓誌銘

明故朝列大夫南京刑部廣西司郎中石溪陳

公墓誌銘

明故中順大夫程番府知府進階大中大夫旂

峰林公墓誌銘

明故奉政大夫四川按察司僉事紫崖楊公墓

誌銘

傳

正學一菴吳公傳

事述

先太淑人事述

碑

重脩遮浪海隄碑

卷之二十一

祭文

禱布政司土地桂林府城隍疏

重新宋丞相文文山先生鬱林祠祭文

重復王陽明先生書院祭文

重新陳白沙先生祠宇祭文

祭靖江王文

祭大司空徐蒙泉公文

祭大中丞李三洲公文

祭太師冢宰楊虞坡公文

祭大司空康礪峰公姻家文

祭漕運大司空吳自湖公文

祭太宗伯林對山公同年文

祭太傅呂文簡公同年文

祭少司寇張鶴樓公文

公祭少師徐少湖公文

祭少師徐少湖公座師文

祭太倉王封翁愛荆公文

祭憲長鄭壺陽姻家文

祭左方伯林聯峰同年文

祭李員外文

祭都督李西垣文

祭唐乾明處士文

祭司訓方蒲峰姊丈文

祭常州別駕吳一菴表兄文

祭黃桐門姪壻文

祭誥封太淑人張母李氏文

祭誥封太夫人李母范氏文

祭誥封太淑人吳母陳氏文

祭父廣西太平府通判贈都御史凝波公名宦

祠文

再祭父凝波公太平名宦祠文

祭東竹伯兄文

祭君任弟文

祭黃門女兄文

卷之二十二

書翰

東塗任齋中丞

東陳肅菴

東俞虛江總戎

又東虛江

東李三洲

盧星野

東周白溪

東俞虛江

東鄭崑東同年

東俞虛江

東鄭崑東

東曹見川

東王南崖

東楊見魯

東古成菴

又東成菴

東曹崗峯同年

東葉荆波

東譚平臺

東戴筠臺

東俞虛江

復朱大尹

東譚平臺

東方蒲峯

東俞虛江

東裔東屏

又東東屏

東譚平臺

又東平臺

與王參戎世科

東呂豫所閣下

東莊石坡

東戴筠臺

東林退齋司寇

東林對山宗伯

東俞虛江

又東虛江

東宣化胡大尹

東嚴寅所司徒

東俞虛江

奉殷石汀撫臺

柬黃叅戎應甲

柬龔春所

柬呂豫所

柬陳與松

柬應弘齋

柬俞虛江

柬錢鶴江

柬俞虛江

柬金中石

又柬中石

柬鄭崑東

柬方采山同年

柬余樂吾

柬周鑑塘同年

柬陳文塘

復李山人杜

復劉仁山

東李山人

東卓樵壺母舅

東殷克齋中丞

又東克齋

東胡廬山

寄東竹長兄暨弟姪

卷之二十三

書翰

東陳我渡

東呂豫所

東殷石汀制府

東陳我渡

東殷石汀

又東石汀

又東石汀

東殷克齋

東張鶴樓少司馬

東殷克齋

東俞虛江

東李明谷按史

又東明谷

與劉仁山憲副

東殷石汀

東內閣本兵

東殷石汀

東殷石汀李明谷

東李明谷

又東明谷

與夏見吾僉憲

東李明谷

與王叅戎世科

與沈玉陽憲副

東呂豫所

東殷石汀

東柴定宇

東殷石汀

復沈憲副

復李紹亭少叅

東江心源

東殷石汀

復鄭壺陽憲副

復戚南塘總戎

東方懷璧

東俞虛江

東殷石汀

東殷克齋

東內閣吏兵二部

東呂豫所蔣松屏莫豫吾

與鄭憲副

東柴定宇

東殷石汀

與方知州

東方篆石

東張鶴樓

東同鄉科道秦鷺坡鄭謙山蘇誠齋

東殷石汀

東陰月溪

與沈憲副

與王叅戎

與沈憲副

與王玉溪同知

東李山人

與鄭憲副

東殷石汀

與胡廬山大叅

與胡雲屏大叅鄭壺陽憲副

與沈憲副李少叅

又與沈憲副

與王叅戎

與胡大叅鄭憲副

又與鄭憲副

與沈憲副李少叅王叅戎

東董幼海同年

東林對山董幼海二同年

東張嶠峽同年

副東嶠峽

東殷石汀

又東石汀

又東石汀

東大司徒

東陳我渡

東殷石汀

與沈憲副李少叅王叅戎

東呂豫所

東殷石汀

與李少叅

東蔡敬齋同年

東賀蓮湖

東殷石汀

與李西垣總戎

東殷石汀

東楊州火上舍鐸釗銑

東本兵

東呂豫所

副東殷石汀

東萬合溪

東呂豫所

東殷石汀

與鄭憲副

東殷石汀

與沈憲副李少叅

東殷石汀

與夏見吾

與金中石憲副

與沈憲副李少叅王叅戎

東李總戎沈憲副李少叅王叅戎

東殷石汀

與鄭憲副

與李總戎沈憲副李少叅王錢二叅戎

與李總戎沈憲副李少參

與李總戎

柬王恕所

與王參戎

柬柯希齋

與王參戎

與方知州

卷之二十四

書翰

柬殷石汀

柬槐參戎寅

柬呂豫所

柬殷石汀

柬張鶴樓

柬計厚菴

東陳幼溪蔣松屏張鳳臺計益軒

東殷石汀

又東石汀

東趙汝泉史蕙津

又東蕙津

東萬合溪俞虛江

東方瞻岨

東殷石汀

又東石汀

東內閣冢宰

副東呂豫所

東呂豫所陳幼溪

東俞虛江

東李山人杜

副東陳與松

東殷石汀

東殷石汀

又東石汀

東劉念菴

東殷石汀

又東石汀

又東石汀

又東石汀

東胡廬山

東詹咫亭

又東咫亭

副東張鶴樓徐文臺

東殷石汀

東陰月溪

東趙汝泉

東內閣本兵

與李少梧大叅劉巨塘憲副

東殷石汀

副東呂豫所譚二華

東趙汝泉

東趙汝泉胡公泉賈介石

東史瑞石

東殷石汀

東趙汝泉

東萬合溪

東殷石汀

東胡廬山

又附東廬山

東殷石汀

東俞虛江

東殷石汀

附東張鳳臺

東蔡敬齋

東趙汝泉

東殷石汀

東呂湘泉

東殷石汀

卷之二十五

書翰

東張鳳臺

與夏僉憲

東呂豫所

東殷石汀唐溪南

與李西垣總戎

與李總戎

與李總戎

東殷石汀

與李總戎

與李總戎

與亦叅戎孔昭

與沈憲副

與李總戎

與吳非菴大叅

與夏僉憲

與徐念五憲副王叅戎

柬張鳳臺

柬內閣本兵

柬陳幼溪

柬張鳳臺

柬殷石汀

柬胡廬山

柬呂豫所譚二華汪南溟陳幼溪

柬呂豫所譚二華

柬鄭壺陽

東王恕所

東內閣

東吳川樓同年

東火文津光祿

東唐溪南按史

東殷石汀

附東張鳳臺

啓殷石汀

又東石汀

東譚二華大司馬

東俞虛江

又東虛江

東呂豫所

東楊州火上舍

東呂豫所

東禮科

與靈山張龍泉

東陳幼溪

與徐憲副

又與徐憲副

卷之二十六

書翰

柬劉凝齋中丞萬合溪方伯

柬呂豫所

柬李臨江

柬呂豫所

附柬李山人

柬俞虛江

與霍勉齋僉憲

與永寧吳南洲憲副

與博羅尹吳敬甫

柬呂豫所

與吳敬甫

與吳憲副

與杜武川太守

東張鳳臺

與沈憲副

與徐憲副

寄俞思所余養拙

與莊陽山憲副

與沈憲副李少叅王叅戎

又與沈憲副李少叅王叅戎

與王叅戎

與莊憲副

與莊憲副

東吳一菴

東康礪峰大司空

東高太湖方伯顧觀海憲副

東方篆石同年

復李西垣總戎

東殷石汀

與莊憲副

東殷石汀

與沈憲副李少叅

與李總戎沈憲副李少叅王叅戎

與興安黃大尹

與沈憲副李少叅

又與沈憲副李少叅

與李總戎

東卓樵壺

又東樵壺

貽誠家帖

卷之二十七

書翰

東呂豫所林璧東何古林

答李西垣子耀祖  
東林昇岩

東耿楚侗中丞  
東海澄文丞

東喬純所

東原任蒼梧道大叅鄭壺陽

東原任蒼梧道大叅彭從野

東陳幼溪中丞  
復浙江按史張念華

東陳幼溪

卷之二十八

書翰

東何古林宗伯蒙近野龐惺菴二中丞

東張心齋大司徒  
與府江陳侶梅大叅

與右江道彭宜所少叅

與陳大叅  
東劉凝齋

又東凝齋  
附東凝齋

又東凝齋  
又東凝齋

附東陸思山太守

寄陳任菴少叅查毅菴憲副

東三閣下本兵

東三閣下

附東霍勉齋

東三閣下大司徒

東劉凝齋

又東凝齋

又東凝齋

與金叅戎丹

與彭少叅

又與彭少叅

與左江道李養愚少叅

與金叅戎

又與金叅戎

與彭少叅

又與彭少叅

復劉凝齋

東陳我渡

東劉凝齋

復鄭壺陽

與孫懷堂方伯

東三閣下

東三閣下張大司徒

東三閣下

東劉凝齋

東三閣下

東劉凝齋

東三閣下大司徒

東戶部戶科

東張心齋

復湖廣大叅沈玉陽

復吳中雲給諫郭希宇侍御

柬張崕峽大司馬

柬趙寧宇中丞

柬張心齋

與陳大叅

又與陳大叅

柬劉畏所侍御

與左江道徐仰峰憲副

與金叅戎

與徐副使

柬馬前峰按史

又柬前峰

柬陳文峰

柬馬前峰

柬陳文峰

柬馬前峰

卷之二十九

書翰

東陳我渡大司寇

復羅聞野按史

東馬前峰

復前峰

東三閣下

復張心齋大司馬

東馬前峰

東三閣下

復馬前峰

東鄧純吾

又東純吾

東殷石汀

東吏兵二部

啓吳小江中丞

又柬小江

復彭從野

柬馬前峰

復鄭壺陽

柬三閣下

柬張心齋

附柬吳小江

柬鄧純吾

報申瑤泉閣下

報余同麓閣下

與王璘泉僉憲

附柬陳我渡少司空

柬劉凝齋大司馬

柬吳小江

附柬張心齋

復李師弦

又與師弦

與雲仙宗室

與李推官

東趙寧字中丞

附東李少梧太守林念塘令尹

東丘月林同年

東大司徒

附東黃六橋

卷之三十

書翰

與太平林守

與林滄洲

與福建于總戎

復鄭壺陽

東三閣下

復李師弦

附東陳肅菴大宗伯  
東三閣下

復徐竹峰喬純所張名川

復彭宜所

復吳南洲中丞

附東彭從野

東閣下本兵

東海剛少宰

東閣下冢宰

復魏南臺

東吳南洲

復鄒南臯

東閣下冢宰

東張崕嶽大司馬

東卓樵壺

附東吳悟齋少宰

東閣下冢宰

東吳悟齋

東鄒南臯

東四閣下

東閣下冢宰

東吳悟齋

東閣下冢宰

郭襄靖公遺集卷之一

莆中 郭應聘君賓著

年友漳浦朱天球君玉編

門人泰和郭子章相奎訂

門人晉江王任重尹卿校

不肖男良翰梓

奏疏

叅藩廣東

巡撫廣西

廣東叅政移贈前母疏

奏爲比例陳情懇乞推廣

聖恩俯容移贈前母事臣籍係福建興化府莆田縣人父郭湍原任廣西太平府通判先娶黃氏生臣兄應科應徵繼娶母卓氏生臣臣父任通判甫一月值大征思田地方奉委理餉瘴暑驅馳不幸病故臣時方五齡母年未三十扶櫬東歸孤苦萬狀賴臣兄應科應徵撫育訓誨以有今日前母雖非生臣而二兄撫臣之恩皆前母所及之澤也臣初任主事考滿贈父承德郎母卓氏封太安人繼任知府考滿贈父中憲大夫母卓氏封太恭人及前

妻余氏繼妻楊氏均被贈封之典今以左叅政秩滿給由例得

請給祖父母父母本身及妻

誥命獨前母黃氏猶仍民婦之稱不惟臣兄弟之心舉不能安臣母卓氏之心尤不自安臣父有靈恐亦不安於九原之下矣查得景泰二年間山西右叅政葉盛嘉靖十五年間翰林學士蔡昂各奏請追贈前母俱奉

欽依准贈訖項自

皇上

御極以來談工科都給事中馮成能兵部武庫司郎  
中田汝穎等比例陳乞均荷

聖慈允給誠

帝王廣孝勸忠之盛心臣子千載之奇遇也臣之情  
事實與相同伏乞

勅下吏部比照先今事例將臣本身并前妻余氏繼  
妻楊氏見在應得

誥命移贈前母黃氏庶臣烏鳥之情少獲以自盡而

犬馬之報矢效於將來矣臣不勝悚懼懇祈之至  
奉

聖旨吏部知道該本部尚書楊博等覆奉

欽依移贈訖

巡撫廣西到任謝 恩疏

奏爲恭謝

天恩事臣原任廣西布政使司左布政使於隆慶五  
年十月二十日准吏部咨爲缺官事該本部等衙  
門會推具題奉

聖旨郭應聘陞都察院右副都御史巡撫廣西地方  
寫勅與他欽此又該桂林中衛指揮使韓文啓齎  
捧

勅諭一道到臣欽遵於隆慶五年十一月初六日接  
管前巡撫廣西地方今提督兩廣軍務兵部右侍  
郎兼都察院右僉都御史殷正茂原行事務并

欽降關防一顆

符驗一道

令旗牌八面副交臣收掌卽日望

闕叩頭謝

恩外伏念臣性本顓蒙才非經濟驅馳廿載狗馬之  
念常存險阻備嘗標末之功未效分甘擯伏詎荷  
甄收矧西粵本荒徼之區而撫臣司封疆之寄夷情  
叵測邊備久虛頃緣授鉞得人方底廓清之績必  
賴掄材代任用弘保乂之圖惟臣何人曷克勝此  
茲蓋恭遇  
皇上秉離照以乘乾幽微洞燭體咸虛而顯比對菲  
兼收遂令一介之孤蹤誤被

九重之

簡命臣敢不恪遵

成算矢殫愚忠杜漸防微宣

皇猷以綏邊圉招攜懷遠敷文德以奠蒸黎期紓  
宵旰之憂少竭涓埃之報臣無任感激屏營之至

議四都地方建設州治疏

題爲陳末議資善治以杜積寇以安地方事據廣  
西布政使司呈該前巡撫廣西地方兵部右侍郎  
兼都察院右僉都御史殷正茂批據南寧府申該

本府知府林喬相議將四都改設流官撫治人民緣由批行布政司酌議詳報又據左江兵備兼分巡道廣西按察司僉事霍與瑕呈稱據養利州知州區次顏呈及永康縣主簿李材揭稟議將南寧府四都地方建設州治條陳八事緣由批行布政司會同各司道詳議報奪併該巡按廣西監察御史李良臣批先據該府所申已行二道會勘矣今該道所陳八事更見詳確建州之便鑿鑿可行且得控制土司之意布政司會按都二司參酌詳報

以憑會議行繳該本司會同按都二司并各道議  
看得四都地方本名四崗據南寧上游爲太平水  
路必經之地且界於思明忠州羅陽陀陵各土官  
之間自

明興以來思明強則四崗役思明而忠州爭忠州強  
則四崗役忠州而思明爭迄無寧歲至嘉靖十八  
年議屬南寧府改爲華陽等都地方稍戢但創建  
未備統以武弁之流官多非人民無固志忠州土  
酋乘機侵擾而地方因以騷然今當黠酋就殲之

後人心厭亂之秋創立州治以重彈壓之勢固治平之一機會也該道據知州區次顏主簿李材先後呈揭酌議轉詳極爲明悉而該府知府林喬相條議亦備言建設之宜無非揆度事勢參酌民情以爲永奠邊隅之計但州治新設必設知州吏目各一員知州有撫綏之政吏目有捕禦之責斯體統相維民夷帖服而久安之圖在是等因會呈到臣該臣會同提督兩廣軍務兼理糧餉兼巡撫廣東地方兵部右侍郎兼都察院右僉都御史殷正

茂巡按廣西監察御史李良臣議照四都地方在南寧太平爲必守之地在思明忠州爲構亂之階頃以督備非人都民攜貳土酋黃賢相乘之煽惑土衆侵掠地方幾爲左江大患仰仗

天威土酋就縛而思明亦畏威懼罪頗息爭心乘此事機設立州治誠經理左江之急務也蓋州治一立則官有常政民有定主以絕思明忠州覬覦之念而構爭之禍自此可息以控太平南寧之衝而左江上下舟楫可恃無虞以扼羅陽陀陵之要害

而白沙渠黎諸賊不得越出爲患所立者一州其所係於地方固甚重矣且其壤地足以建州物力足以供官築土城足以捍衛採山木足以興造雖有建設之舉不患經費之難及將忠州占據宣化縣那投一十五村割而屬之募兵以守可以供兵食亦可以杜釁端又如禾一二四圖素稱梗化與渠樂寨土巡檢司縱賊殃民皆以離府太遠政令不及之故也併割以屬之皆地理之所甚宜民情之所稱便者旣經各司道會議僉同相應題

請伏乞

聖明軫念邊氓

勅下該部再加詳議如果南寧府屬四都地方堪以  
建設州治應設知州吏目各一員并印信通行銓  
除降給其忠州原侵占宣化縣之那投一十五村  
又分割如禾一二四圖及渠樂寨土巡檢司以屬  
州治與建築土城興造公署等項一切事宜聽臣  
等督同左江兵巡道并南寧府相機酌處舉行庶  
民夷無復構亂而邊徼永賴奠安矣

議經理懷遠縣治疏

題爲撫復久廢縣治乘時經理以圖治安事據廣西布政司呈該臣并提督兩廣軍務兵部右侍郎兼都察院右僉都御史殷正茂巡按廣西監察御史李良臣各批據分守右江道右叅議李文續呈詳行委洛容縣知縣邵廷臣會同懷遠縣知縣馬希武踏勘過懷遠縣治併估計工料抽兵屯守等項緣由批行到司該本司看得懷遠縣治久遭猺占官吏不入其境政令不加其人誠前事之大失

也今者仰仗

天威震揚荒徼鉅寇蕩平百蠻讐服而懷遠一縣不煩兵不費餉舊民感化以來歸徭獐聽招而恐後田糧人丁仍收冊籍已見恢復之大端邑城官廨舉議興脩尤爲治安之長策旣經知縣邵廷臣馬希武勘估仍於舊地建設縣治已該右江道及柳州府僉議無異至於合用各項工料銀兩據議於布政司查支堪動錢糧發府脩建一節本司查得見在庫貯議募勇兵原抽民壯銀并變賣葛布銀

內共一千八百九十兩俱堪動支給發柳州府收貯行右江分守道就近委官召匠興工建造工完造冊通呈查考其防守軍兵議撥融縣千戶所原戍旗軍五十名及融縣在城并東西二堡共抽取募兵七十名湊足一百二十名委官督領常川戍守工食就於該所月糧該堡兵餉內支給事體便益無容別議等因回報到臣案查先該前巡撫都御史殷正茂看得古田旣平惟懷遠縣治久廢未復牌行布政司會同各司道計議乘此聲勢設法

撫處諸徭恢復縣治以免興兵殺戮之慘隨處該司呈稱會議得懷遠地方被諸徭占據日久前任該縣知縣鄭瀾屢建恢復之議勢不能行即今古田蕩平聲威大振懷遠密邇之地諸徭震懾之時又值知縣馬希武蒞任之始請給招撫榜文行委本官前去先令熟識徭人進入村寨宣諭德意開導招徠如有向化真心縣官親至其地示以懷柔布以恩信爲之立甲編排爲之輕徭薄賦悉去煩苛與之更始隨議脩築城垣興造衙署掌印首領

等官專劄縣內使徭民有所附屬果有成效則拊循之化倍於芟夷恢復之功先於征伐仍請特爲題敘破格旌擢使邊方縣令有所感勸而興其餘未盡事宜悉聽該道與叅將酌處施行等因會呈該巡撫都御史殷正茂提督兩廣軍務兵部左侍郎兼都察院右僉都御史李遷巡按廣西監察御史李良臣各批行該道督率舉行外又該巡撫都御史殷正茂出給榜文俱經該司發仰知縣馬希武齎領前去撫諭續據本官回稱依奉帶同典史

劉朝宗鎮撫朱萬世冠帶生員楊宦親詣懷遠縣  
喚得徭民加仲才加藍銀梁廣滿加尚銀黃金付  
等各集衆丁見職宣諭利害推誠撫化每村舉立  
老人一名甲頭二三名以爲約束量其村分大小  
人丁多寡省令自愿認納禾米折算田糧在案當  
將花紅鹽酒賞犒衆皆殺牛軟血撫掌歡呼本職  
又親臨各處崗寨間有一二百姓亦皆盡屬夷風  
悉心撫處清得糧二百零五石三斗六升四合餘  
徭夷不計百姓殘民約共有三千餘名宜地宜民

編湊四里村戶丁糧各依里分俾肥瘠品搭遠近  
相兼其輕省公務逐年分派使糧差得均而里役  
不累然則築城立堡善後之圖今日機會誠不可  
緩等因連將撫處清編過該縣民夷排甲丁糧數  
目手冊并脩建縣治屯兵防守各緣由回報復經  
牌行守巡右江道逐一委官勘估議詳前來批行  
布政司覆議去後今據前因該臣會同提督兩廣  
軍務兵部右侍郎兼都察院右僉都御史殷正茂  
巡按廣西監察御史李良臣議照懷遠縣治陷沒

多年殘民淪胥於夷久矣廼今乘征討之餘威示  
招撫之大德縣官一至而相率來歸文告再宣而  
歡呼向化清田糧二百餘石復殘民三千餘名不  
勞一兵不費斗粟遂使負嵎之羣醜得見漢官板  
蕩之遺黎復覩天日非仰仗

聖武布昭

廟謨遠播何以得此但地方所恃以爲固者城池也  
人心所依以爲安者縣令也諒縣城池廨舍久屬  
丘墟從來縣官到任皆寄寓府城委署外縣今地

方初復民夷新附若不及時脩創以爲莫居之圖  
恐官無固志民起異心卒之歸於秦莽將弁前勞  
而棄之矣豈所以爲久安長治之計哉所據各司  
道勘議建造城邑等項合用工費共銀一千八百  
九十兩殊爲省約及將融縣所軍兵撤調一百二  
十名於懷遠防守事體俱爲穩便相應依議再照  
狐兔之性本易動而難馴保障之圖在有恒而不  
變粵西本遐僻炎癘之區吏茲土者類多鄙夷其  
民鮮爲久大之計况邑治久荒民徭勞錯其索寞

艱難之狀尤常情之所弗堪者知縣馬希武新任承委即能推誠撫處加意招徠驅馳險阻頓收反側之心清理丁糧漸復版圖之舊雖機宜由於指授而勞績誠有足多者臣惟人情有所勸則益興而經綸屯難之秋非有臥薪嘗膽真心難保其無銳始怠終之患也使將本官假以章服之榮任以歲月之久則激勸旣優責成且切爲本官者將必益堅初志不墮前功視民如子視徭即民凡所以安之養之化之誨之者當無所不盡其心久而真

德實意淪浹於雕題椎髻之徒法度紀綱昭示於深山窮谷之處變夷爲華之機端在是矣伏乞聖明軫念邊方縣治久廢

勅下該部覆奉

明旨將脩建城邑撤調軍兵事宜行臣等欽遵施行仍將知縣馬希武加以服色令其久任凡徭人未歸者多方撫輯田糧未報者漸次清查道路未通者設法開闢務聽專劄縣城保安黎庶不得以地僻事簡別行委用俟三年之後民徭允服地方平

寧容臣等另行題薦重加擢用庶建置一新政教  
攸賴遐方之黔庶可恃以久安邊徼之封疆益資  
以永奠矣地方幸甚臣等幸甚

恭謝 恩賞疏

奏爲恭謝

天恩事隆慶六年正月十九日准兵部咨爲議殄積  
惡巨寇以靖地方以復縣治事該巡按廣西監察  
御史李良臣題勘過征剿古田功次以臣先爲廣  
西布政司左布政使與有議兵理餉之責議加陞

賞等因本部覆奉

聖旨郭應聘陞俸一級賞銀三十兩紵絲二表裏欽  
此本年二月二十日就攄承差蔣張鳳齊捧

欽賞到臣臣謹薰沐祇領望

闕叩頭謝

恩外竊惟古田本桂林隸邑久淪胥於醜類幸恢復  
於今時境土廓清神人懌豫是皆仰荷

聖武布昭

廟謨指授之所致也臣猥以顓庸無裨涓滴濫被兵

符之寄涯分已踰詎叨俸級之增

恩光尤渥兼之白金綵幣

殊錫渚加感激由衷悚惶莫措臣敢不益勵靖共之  
節務精白以承

休勉脩安攘之圖期絲毫以報稱臣無任激切屏營  
之至

議留廣西鎮守總兵官疏

題爲議處兩廣兵後事宜以裨久安事據廣西布  
政司呈奉提督撫按衙門案行會議廣西總兵官

應否裁革緣由依奉該本司掌印右布政使萬思謙會同按察司按察使桂嘉孝都司掌印署都指揮僉事錢鳳翔等議照今天下大勢在北則薊遼宣大三邊爲重在南則兩廣爲重北邊各鎮俱有總督有巡撫有總兵其間事體相須不憂掣肘何至於兩廣而疑之今所得議者廣西也外聯交貴領海內雜土司蠻寨是以

祖宗朝特設總兵於會省授以征蠻將軍之印後設有梧州軍門總兵亦移鎮於彼以便協同行事省

城 藩封所在猶以副總兵代守邇年

廟堂採用言官之議革回勲臣誠知其難與經武而徒擾地方故議流官掛印仍駐省城所以復

祖制慎兵政也頃者添設巡撫軍門征剿古田以總兵爲總統哨武功旣成

上命暫留巡撫而按院特疏乞留各司道方奉將德意以行安養教化之事如網之舉以綱也裘之挈以領也期臻富庶惠此西南其在總兵與副總兵權位不同宜得督行叅遊都備等官一切練兵振

武之事申明整飭將使安南百蠻聞風讐服大征  
小剿呼吸可辦此古今治世之大謀文武竝用之  
長略也及查總兵所用官旗門皂人等與副總兵  
相同其日用廩給僅加一錢似不得計小費以虧  
大體再照新任總兵標下坐營署指揮僉事楊偉  
原議統領標兵分營訓練今官軍打手人等俱屬  
都司等官統領該鎮總理別無標兵坐營官相應  
裁革楊偉別用等因到臣案查先准兵部咨前事  
該本部題覆巡撫南贛都察院右僉都御史殷從

儉奏稱廣西古田旣平宜將總兵官裁革照舊設副總兵鎮守等因談本部看得兩廣地方原設總鎮文武大臣駐劄梧州廣西止設副總兵一員後以梧州勲臣不得其人改爲流官又因地方多事兩廣各設總兵一員廣西又添設巡撫一員乃今南贛巡撫殷從儉題欲裁革廣西廣東總兵從儉係廣西人雖由本官一人之言實出兩廣多人之意事體重大相應查勘合候

命下移咨兩廣提督官并轉行廣西巡撫兩廣各巡

按御史公同布按守巡各道虛心查議要見原設文武大臣及廣西止設副總兵是否穩便新設總兵巡撫是否不便毋持兩可畫一具奏如果

舊制穩便不拘見任閑住即便查訪素有威望武臣三四員疏名會薦聽本部奏

請等因題奉

欽依移咨前來已經通行司道等官會議去後今據前因除巡撫衙門已該按臣議留臣以顓臾濫膺簡拔分當捐糜圖報不敢別議外臣會同提督兩廣

軍務兼理糧餉兵部右侍郎兼都察院右僉都御史殷正茂巡按廣西監察御史李良臣議照廣西係古百粵之地實爲交南鎖鑰而土酋猺獞雜處其間重在彈壓以故

國初設有鎮守總兵授之征蠻將軍印信駐劄省城蓋外控交趾內懾土夷以壯國家之藩籬非專爲區區猺獞設也自洪武年間用韓觀充總兵官起以迄永樂宣德正統景泰天順成化四年馬良止皆以流官充任至成化六年始改設梧鎮代以勲

臣而添設副總兵於省城然在省城者或患於事權不專釀成寇變在梧鎮者或嫌於督臣竝建徒擁虛名況其威焰恣睢尤有難於究言者則近議以流官代勲臣仍駐省城是復

祖宗之舊制非創議也今云古田旣平總兵可革是不惟計小費於目前抑且失原設之初意若仍設蒼梧則兩廣衛所廣西土官受害無窮若通行裁革則征蠻將印無所歸着一旦有警將誰責成此皆事體所關均不容以輕易者其總兵官標下原

設有坐營中軍官一員今既無標兵可領誠屬冗  
員相應裁革新任指揮僉事楊偉合於附近地方  
遇缺改用尤爲便益所據各司道議報前因無非  
深長其思臣等再三參酌委屬相應臣等又訪得  
見任坐府僉書原任廣西副總兵官周于德練達  
地方夷情譬之輕車熟路抑且老成省事必免剝  
削需求原任貴州總兵官今革任安大朝黔粵俱  
屬瘴鄉風土旣其所習彼此皆爲瘠土節約又其  
所安而廣西時勢要在掛印以尊重國體惟求廉

靜以安養地方以上二臣俱堪備選如蒙伏乞  
勅下該部將廣西總兵官仍照近議流官亟賜推補  
或用所舉二臣或聽本兵另行擢用俱令其上緊  
馳來到任整飭戎務彈壓邊夷見任坐營官指揮  
僉事楊偉遇有員缺就便改用庶地方不致乏人  
而民夷永有攸賴矣

議征府江右江獍寇疏

題爲水陸未靖亟加剿處以圖廓清以安反側事  
據廣西布政司呈奉臣批據帶管府江兵備分巡

桂林道兼理撫夷副使劉穩呈稱古田大征之後  
各村崗獍獍俱多畏威聽撫認納糧差惟平樂府  
江兩岸結連荔浦三崗憑恃險阻出役江灘肆行  
劫掠往年姑不暇論近自隆慶四年以來月日不  
等殺死監生黃文堂舍人朱銓千戶周濂軍軍鄧  
昇二等共五十餘人又殺死護送鹽船土舍岑文  
等十餘人虜去指揮胡潮千戶李可久入巢索銀  
贖命近又糾衆千餘衝劫伐木兵營殺傷兵士十  
餘人其他鉤劫商船殺死人命虜掠子女占據田

地難以盡數屢招屢叛小民無所控訴跡其罪狀  
誠

天地所不容

王法所必誅者也若不請兵大加征剿則生齒日繁  
刼掠無已兩廣咽喉之地阻塞不通將來禍患又  
不但如古田而已伏乞早請大兵剿滅救民水火  
等因又據右江兵備副使沈子木呈稱會同分守  
右江道右叅議李文續分守柳慶右叅將王世科  
查得遷江之北三來賓之北五等崗獐賊恃險負

固彼此勾引先年遠劫廣東三水清遠近劫南寧  
平南武宣來賓藤貴等府縣庫藏及劫虜考官聘  
禮越城攻劫來賓所千戶黃元舉等家截江殺死  
歲貢生員王朝京周松李茂姜集四人阻奪李副  
使官扛截殺戴僉事人夫叛殺本管土官黃勝父  
子四命及兵七十餘名其餘各鄉村居民驛遞夫  
馬及公差委官往來行旅被害者不可勝數然此  
猶未征古田之前也及古田旣征八寨已撫獨止  
三止五諸崗節經撫諭稔惡不悛窩隱南四漏刃

首賊常明甫父子十餘人計圖報復強虜武宣縣  
增廣生員米如銀羈留在崗逼爲軍師騎坐馬匹  
千百成羣劫虜鄉村縱橫大路自隆慶五年正月  
至今一年之間邀截鋪兵公文魚課勘合捉拏公  
差舍人張剛吏周于義等燒劫大盧等七村攻打  
博樂等二十一村焚燒室廬殺虜男婦其爲慘毒  
誠不忍言欲量議鵬剿稍示懲創但巢崗旣多賊  
黨亦衆東追西竄此出彼藏若非厚集其師大張  
天討惡孽終不殄除疆宇何由寧謐審時度勢誠有

萬不容已等因併各哨道圖冊俱批行本司會同  
各司道酌議通詳以憑施行該本司左布政使楊  
成會同署按察司印右布政使萬思謙分守桂林  
道左叅政胡直督理糧儲道右叅政李鳳分守右  
江道右叅議李文續帶管府江兵備分巡桂林道  
兼理撫夷副使劉穩右江兵備兼分巡道副使沈  
子木分守柳慶右叅將王世科都司掌印署都指  
揮僉事錢鳳翔僉書署都指揮僉事許文會議得  
府江兩岸三崗及右江北三北五等處諸賊負險

爲惡久矣府江自正德十二年該左都御史陳金  
請兵征討之後至今幾六十年而北三北五諸猺  
一向未經征剿致各生齒日繁猖獗日甚頃當大  
征古田各巢畏威斂戢惟諸賊猶未悔禍屢蒙本  
院多方招諭無非欲其改過自新以冀其竝生于  
覆載之仁迺今稔惡不悛水陸爲梗劫虜官商虔  
劉人民罪惡貫盈自干

天討誠有不容不處者各道請兵征剿誠非得已除  
分哨把截及用兵先後進兵日期等項事宜俱候

本院臨期密處外所有調兵錢糧及監督統督總理糧賞等官開列于後等因到臣卷查先爲江海懈防查叅失事官員以肅重地事准兵部咨該提督兩廣侍郎李遷巡撫廣西都御史殷正茂巡按御史李良臣各題叅府江兵備道副使陳其樂失事刼虜指揮胡潮等緣由該本部覆題除副使陳其樂已經奉

旨改調無容再議外爲照府江猺獞恃險稔惡梗化有年今當大征之際仍敢肆行刼掠法難縱容合

候

命下行提督撫按衙門查照原議將府江獐賊從長計議相機撫剿不許因循致遺後患務期餘孽悉除地方寧謐等因題奉

欽依備咨前來已經通行各司道查議未報續據各該道呈詳前因又經批行布政司會同酌議通詳去後今據前因臣會同提督兩廣軍務兵部右侍郎兼都察院右僉都御史殷正茂巡按廣西監察御史李良臣議照廣西所屬各府地方猺獐充斥

而桂平柳慶四府尤多頃自大征之後永寧立州  
懷遠復縣八寨設長官司一時遠近諸徭稍稱斂  
戢其有恃險負固未變兇頑者臣等督行各道多  
方招諭許以自新苟有柔服之機悉從撫處誠仰  
體

朝廷好生之德無敢動民召釁爲也乃若府江之兩  
岸三峯右江之北三北五諸巢則屢招屢叛愈久  
俞驕惡貫已盈人心共憤其罪狀顯著真有如各  
詖道所呈者況在水陸之衝襟喉之地尤所謂門

庭之寇利用禦者也先是巡撫都御史殷正茂巡按御史李良臣屢與臣等計議征剿以靖地方緣古田大旅方班物力甚詘難以輕議其在今日勢有不容以或已者失今不舉恐前之就撫諸徭視跳梁之得志苦嚮化之羈縻將倣之而生異心者衆矣故議者謂必有是舉使威常伸則信可立亦所以固八寨懷遠之招而杜古田攜貳之漸也所擬該司會議征剿事宜臣等反覆參酌前項地方委應亟處但府江林箐叢深灘冲幽阻地聯一州

五縣非遲之月日未易成功而北三北五諸崗雖在官路之旁不甚險遠然馬多人勁號爲剗馬賊又與東歐西里及三都五都等賊窟穴相依亦未可輕視况各州之土兵實數無多兩江之道路相距甚遠敵情不可逆料機會不可預圖進止機宜時日淹遠皆難以畫一計者如兵威果振則先事府江乘勝以舉右江可也如事勢未便則姑置右江專力以事府江可也或黨類可別則分道而量鵬之或連合他巢則移師而並取之容臣等相機

審勢悉以便宜行之與凡哨隊之分布供餽之纖繁法禁之申嚴官員之委用俱不敢瑣瑣陳

瀆惟徵調土兵動支軍餉定委監統等官係干大計非臣等所敢擅專相應上

請定輦及照往年用兵事例俱行巡按御史紀驗功次稽察奸弊伏乞

勅下該部通加查議行臣等欽遵施行

題報官兵截捕殘黨疏

題爲殘黨構亂官兵奮勇獲功地方無虞事本年

三月二十八日據帶管永寧兵備道廣西布政司

右叅議李文續呈據富祿鎮緝事軍人倪巴弟歐  
村獐老黃清等走報爪得崇良里大屋等村殘獐  
黃朝貴黃金鼎等糾集融縣陽老等村柳城縣上  
油等崗首賊覃金磊等約一萬徒聲言欲行攻打  
富祿鎮界牌堡等因隨又據該道稟報前賊約止  
三四千徒見圍富祿鎮緣由到臣該臣當卽督行  
該道并分守永寧叅將門崇文督率所哨營堡及  
三鎮土司各官兵加謹防禦并行分守柳慶右叅

將王世科帶領軍兵前至融洛適中地方駐劄調度嚴督各隘堡官兵遏其歸路併力截殺又該臣將在省團練軍兵并鎮安防守土兵行委千戶時勲鄭璽等統領星夜馳往富祿鎮策應剿捕去後四月初一初二等日據該道并叅將門崇文陸續稟報前賊實止七百餘徒有富祿鎮官兵望見應援官兵到彼頭目何業領兵於本鎮肉衝出各官兵會合奮勇攻擊富祿鎮官兵斬獲賊級六顆桐木鎮官兵斬獲賊級十顆各賊奔潰官兵乘勝追

剿桐木鎮官兵莫羅等又斬獲賊級五顆富祿鎮  
兵又斬獲賊級四顆奪獲器械十七件又據柳慶  
叅將王世科稟報督率融縣柳城各哨堡指揮徐  
民瞻等官兵斬獲首賊黃金鼎等首從賊級十五  
顆俘獲賊屬三口被虜婦女一口器械十件千蔓  
堡千戶陳良璧督兵洛黃灘截殺賊級一十六顆  
千戶羅大本官兵斬獲賊級二顆前後共斬獲首  
賊黃金鼎并從賊級共五十八顆奪獲器械二十  
七件奪回被虜婦女一口俘獲賊屬二口等因節

報到臣已行柳州府并永寧州將各功級驗明梟  
示訖又經督行該道并叅將門崇文王世科務將  
糾黨及助惡賊徒相機剿處以杜日後復萌之患  
續據各官稟報官兵分蹤追捕各賊已四散遠竄  
且被傷逃匿林菁饑餓而死者甚多卽今附鎮殘  
獍覓令獍老赴州告撫且時值農忙兵民正在耕  
鋤之際兵多乏食在彼久住未免有妨農務應將  
各官兵掣散殘黨招撫安插住種緣由前來至五  
月初九等日該道取具永寧州富祿鎮向化獍老

擔保各殘獍不敢糾黨爲非并融縣都早等隘向  
化獍老擔保守把融縣一帶道路不容盜賊潛伏  
阻塞各甘結回報到臣照得古田地方自奉討復  
之後十里諸獍大勢已就帖服但漏刃之輩素性  
桀驁一旦沒其田土統以土司而懷讎伺隙之心  
未能終已當時督撫諸臣議

請設官置將列成分屯正慮其反側不常而爲思患  
預防之計也今大屋等村殘徒倚恃融柳之界果  
起糾合之謀圍攻鎮堡名曰奪田而稔惡陰謀必

欲盡去土司而後得志其勢幾不可測矣幸而諸路官兵奮擊俘斬前功各賊狼狽竄遯官兵一無所傷地方一無所擾十里諸獍肅然寒心是皆仰仗

天威震讐之所致者也除倡謀惡黨徐圖勦處及獲功官兵俱行照例給賞不敢敘報外謹具

題知

奉詔自陳疏

奏爲自陳不職乞

賜罷黜以重邊防事隆慶六年八月十八日准都察院咨准吏部咨欽奉

聖諭六部等衙門四品以上及各總督提督巡撫官俱著自陳去留取自

上裁欽此欽遵備咨到臣臣係三品京堂官職任巡撫例該自陳照得臣年五十二歲原籍福建興化府莆田縣人由嘉靖二十九年進士歷戶部主事署員外郎中廣西南寧府知府四川按察司副使廣東布政司左叅政廣西按察司按察使布政司

左右布政隆慶五年八月內陞今職尋以與事古  
日陞俸一級伏念臣本一介草茅誤塵

拔擢不惜捐糜以圖効涓滴臣之分亦臣之心也但  
粵西外控交廣內制百蠻夷獠反側靡常閭閻凋  
敝已甚撫臣之責不惟綱紀攸司尤負安攘重寄  
非威名夙著者不足勝任臣自惟駑鈍才非達變  
力不從心民瘼徒懷而拊循罔效夷情叵測而柔  
服無能不職如臣首當擯斥伏望

聖明將臣亟

賜罷黜別選賢能以代斯任庶風紀得人邊陲有賴  
黜幽陟明之典於

新政益有光矣臣無任悚惶待罪之至

查叅懷遠失事人員并議剿處疏

題爲猱賊叛撫突害築城官兵查叅失事員役并  
議剿處倡惡以伸

天威事隆慶六年九月初六日據右江守巡道布政  
司右叅議李文續按察司副使沈子木會同叅將  
王世科呈依奉行據柳州府推官高曰化原任守

備金策呈稱備查懷遠縣徭賊叛盟殺害官兵事  
情各職前抵融縣招集懷遠縣逃回工匠楊標龍  
雲三哨軍鄧受一等一千人衆審稱於八月初三  
日辰時有稿黃大地太平河裏一夥徭賊突由北  
城未砌處所進入各管工官馬知縣余經歷陸典  
史鄭典史徐典史鄧巡檢督領軍兵人等向敵不  
過軍兵夫匠奔散逃生被衆徭放箭將各官射殺  
身死并殺死兵匠人役及稱稿黃大地等徭馬知  
縣原許砌城之日犒賞牛酒銀三十兩及後砌城

欲取前銀馬知縣執不肯與緣各徭近縣居住時  
常往來賣禾等項又被夫匠人役嚇說此城先係  
汝等攻破今累我等砌築勞苦城完之日聚蓄兵  
馬把汝盡殺方快我意又馬知縣將原撥戍守堡  
兵盡行革退另招隆起一夥兵時常走馬放銃致  
生驚疑又馬知縣等督理城工三甲百姓來做工  
者被其箠撻不勝苦楚謂初喜設縣爲我之利今  
反爲我之害又有二人販鹽經過被馬知縣拶出  
痛責三十重擬罪罰坡頭板江一帶徭人亦繫繩

以刑罰各懷異心不期又有猺老小男一口上城行走馬知縣怪其不避責打回家身死各猺因此益加忿恨聲言城未完將男打死城完必來殺我莫若先做一場輒就彼此勾引生變作患先一日有緝事施回探聽消息走報馬知縣不信仍加責朴至次日賊果突至各管工官欲行躲避馬知縣執稱彼安敢殺官之理悉行留住抵敵不過被箭射殺身死等情各職督責哨守懷遠縣地方百戶任邦祚并撫猺名色鎮撫朱萬世冠帶生員楊宦

押同猺老加仲才等前去彼中查得前賊當於初三日俱已退散又經各職傳示號令撫諭各歸村巢各官身屍已經收回融縣裝斂其被傷人數除陸續逃回外實傷死兵夫龍喜等共一十七名備查當時生變情由皆由工匠虛言哄嚇軍兵馳馬放銃致生驚疑及馬知縣責打猺老小男身死又查究盜禾猺人告狀追取人口以致怨恨反側是的及查哨守百戶任邦祚據稱在於板江賊村追取人口查其當難之時尚在私家等因呈報到道

看得懷遠諸徭負固頑梗已非 日近因大征古  
田之後節奉督撫軍門給榜撫諭而知縣馬希武  
銳意恢復當憑楊宦朱萬世擔承喚出徭老加仲  
才等迎接馬知縣一同進彼招撫各徭民撫掌歡  
呼指天埋石歃血誓盟情願築城立堡編甲認糧  
請官進住保安地方馬知縣見彼撫順帖服遂將  
清編撫處文冊及請築城復縣緣由申詳三院節  
蒙批行司道覆議通詳會

題允行當該馬知縣隨帶管工各官及軍兵夫匠進

彼先行搭蓋茅房棲住自破上興工以至於今猺民絕無異言城工築未及半其餘城樓城門縣治衙宇倉庫民居俱未脩建豈意馬知縣日久漸忽不善撫摩過爲苛責以致附縣猺民陰謀糾黨突至工所抗敵不過遂將知縣馬希武及經歷等官因而逐殺深可痛恨爲照各猺犬羊成性反側無常雖已聽撫志尚未堅况乃失信寡恩刑罰過當兼以兵匠等役張揚恐嚇遂致一旦激成此變及查各猺原係貴州異省流毒占據强悍異常鐵甲

勁弩素恃所長水路則逆流三日夾岸皆徃陸路則羊腸鳥道巢穴盤據必須大調勁兵分道夾剿方可取勝各官誓必滅此而後朝食等因開具圖說分別應剿村巢并叅哨守百户任邦祚等失事及知縣馬希武等優恤各緣由備呈到臣并據永寧兵備副使龔大噐訪報相同據此案查本年八月十四等日據分守右江道右叅議李文續分巡右江兵備副使沈子木分守柳慶叅將王世科哨守懷遠百户任邦祚各陸續揭報前事緣該縣離

省極遠各官倉惶稟報不一臣當卽星夜督發在省戍守目兵差委千戶蔡忠管領前去及分役差人行右江守巡叅將并永寧道叅嚴督營哨官兵應援防禦及隔別訪究致變根由去後今據前因臣會同提督兩廣軍務兵部右侍郎兼都察院右僉都御史殷正茂議照懷遠係柳州屬邑爲右江上游與湖廣之靖州綏寧貴州之黎平府接壤自諸徭占據淪沒已數十年頃乘征討之威示以招徠之意諸徭卽相率投見欣然歸向知縣馬希武

因而親入諸巢多方開諭爲之編立排甲清覈丁糧議復城垣公解軟血埋石以示約信該守巡道議委柳州府推官高曰化洛容縣知縣邵廷臣前去公同勘議并委高曰化總理工程通行詳允訖臣等竊謂懷遠與古田事體不同古田由於征討不得不假以兵威懷遠出於招徠尤當益孚以恩信惟恐久廢之邑人情弗堪欲以激勸縣官堅其任事之志廼復會同題

請將知縣馬希武加以服色使之安心職業專志撫

摩庶幾易亂爲治之一機會矣已經一年有餘城  
築未半官匠往來並無梗阻不謂狼虎之性終不  
可馴噬噬之毒有觸卽發迺因縣官刑罰過嚴官  
役擾害之故輒爾變亂大肆猖狂殺官傷兵爲禍  
甚烈雖卽時解散未嘗越出爲患然稔惡于紀兵  
王法之所不容者也此時原調各土州官兵不日進  
剿府江而原議右江應剿北三諸巢畏兵告罄已  
退回原占遷江各所屯田及被虜人口似應免剿  
若不乘此兵力將懷遠倡惡猺賊一加殄除非所

以伸

天威而雪衆憤也所據該道叅呈請調發大兵痛加  
剿滅以靖地方臣等反覆籌度委有不容以不處  
者及照乍服乍叛本夷獠之常情而有備無虞斯  
邊防之要務臣本以駑劣之才濫受封疆之寄威  
不能以服叛智不足以防微失職之罪臣當首任  
其該地方失事官員法應叅究查得哨守懷遠縣  
地方融縣千戶所百戶任邦祚職專哨捕旣怠弛  
於平時志在避難復輕離乎信地全軀之計則得

玩寇之罪何辭名色鎮撫朱萬世冠帶生員楊宦  
專以撫徭爲責全無弭變之圖先期而不寢其謀  
臨事而不與其難明屬縱寇何啻知情以上各官  
罪當首論相應從重究治者也分守叅議李文續  
分巡兵備副使沈子木叅將王世科地方屬其統  
轄控馭之略尚疎夷性方在羈縻拊循之道未至  
禍變雖起於倉卒事機均失於預防但李文續王  
世科駐劄柳州沈子木駐劄賓州皆距懷遠甚遠  
王世科又先期奉委慶遠催兵責固難辭罪猶有

間柳州府知府許獄司專城之寄失先事之圖變  
生呼吸固難遙責以處分禍起幾微不能早見而  
預待雖府城距縣甚遠而責任亦屬有歸推官高  
曰化旣奉總理之委亦踈戒備之謀釁孽之作固  
難覩於未萌處置之宜或未詳於始事雖爲他署  
所妨終於原責未塞以上各官俱應併究緣各官  
見在料理兵事誓志滅賊相應姑候事完另議以  
責成功者也再照知縣馬希武等惟知勤於所事  
不思信而後勞變由激成禍固自取但馬希武一

身事公遺集 卷一  
念恢復之心可貫於天日余冕等累月驅馳之苦  
竝犯於賊鋒其情俱有可憫除行該道動支銀兩  
厚加優助以爲各親屬收斂扶櫬之費及將百戶  
任邦祚名色鎮撫朱萬世冠帶生員楊宦等一面  
嚴行提究外伏乞

勅下兵部查議將李文續沈子木王世科許嶽高曰  
化行令戴罪任事容臣督率將前項賊徒相機撲  
剿務使兇醜殲除地方安妥事完通將功罪另行  
分別具

奏其知縣馬希武臨難不避與死事各官應否恤  
錄非臣等所敢擅擬謹題請

旨

郭襄靖公遺集卷之一終